

BESTELAKO XEDAPENAK

HERRI ADMINISTRAZIO ETA JUSTIZIA SAILA

2569

EBAZPENA, 2013ko maiatzaren 17koa, Toki Administrazioekiko Harremanetarako eta Administrazio Erregistroetako zuzendariarena, estatu mailako gaitasuna duten toki administrazioko funtzionarioentzat gordetako Arabako Errioxako Urkidetzako lanpostua sortzen eta sailkatzen duena.

Euskal Autonomia Erkidegoko Auzitegi Nagusiaren Epaiak, 2008ko urriaren 13an emandakoak 340/2007 administrazioarekiko auzi-errekurtsoan, eta Auzitegi Gorenaren 2011ko azaroaren 24ko Epaiak berretsitakoak, adierazi zuen Arabako Errioxako Urkidetzak Estatu osorako gaikuntza duten funtzionarioentzat erreserbatuta dagoen Idazkaria izan behar duela, mota horretako funtzionarioek egin behar dituzten funtzio publiko horiek egiteko.

2013ko martxoaren 5ean, Arabako Errioxako Urkidetzaren Ohiko Batzar Orokorrak Administrazio Erregistroen eta Toki Araubidearen Zuzendaritzari –gaur Toki Administrazioekiko Harremanetarako eta Administrazio Erregistroetako Zuzendaritza– eskatu zion Estatuko gaikuntza duten Toki Administrazioko funtzionarioentzat gordetako Idazkari lanpostua sortzeko eta sailkatzeko.

Langile Publikoaren Oinarrizko Estatutuaren apirilaren 12ko 7/2007 Legearen Bigarren Xedapen Gehigarriaren arabera, autonomia-erkidegoetako bakoitzari dagokio Estatu osorako gaikuntza duten funtzionarioentzat erreserbatuta dauden lanpostuak sortzeko, sailkatzeko edo kentzeko eskumena, betiere, legez ezarrita dauden oinarrizko irizpideei jarraituz.

Halaber, uztailaren 29ko 1732/1994 Errege Dekretuak, Estatuko gaikuntza duten Toki Administrazioko funtzionarioentzat gordetako lanpostuen betetzeari buruzkoak, –indarrean dagoena, Enplegatu Publikoaren Oinarrizko Estatutuaren Zazpigarren xedapen iragankorraren arabera– 2. artikuluan ezartzen ditu funtzionarioen lanpostu horiek sailkatzeko irizpideak. Aipatutako 2. artikulua jasotzen du autonomia-erkidegoei dagokiela, beren lurralde-eremuaren baitan, Estatuko gaikuntza duten Toki Administrazioko funtzionarioei gordetako lanpostuak sailkatzeko arauak eta irizpideak ezartzeko eskumena, betiere biztanleriaren eta Toki Erakundeetako aurrekontuen arabera.

Horretarakoxe bideratu da uztailaren 29ko 1732/1994 Errege Dekretuaren 2. eta 9. artikuluetan aipatzen den prozedura.

Prozeduraren instrukzio-aldian, 2013ko martxoaren 21ean, Arabako Foru Aldundiari eskatu zitzaion aginduzko txostena eman zezala Arabako Errioxako Urkidetzaren eskaera zela eta. Eskaera horren ondorioz, Toki Administrazioaren diputatuak apirilaren 26ko 79/2013 Foru Agindua eman du, Horren bidez, Arabako Foru Aldundiaren aldetik aldeko txostena ematen zaio Arabako Errioxako Urkidetzako Idazkari-Kontuhartzaile lanpostua sortzeko eta sailkatzeko eskabideari.

Lanpostu horren sailkapenari dagokionez, Jurisprudentziak argitu du 1732/1994 Errege Dekretuaren 2. artikuluan lanpostuak sailkatzeko biztanleei eta aurrekontuei buruzko baldintzen interpretazioa; hain zuzen, Zaragozako Administrazioarekiko Auzien 1. zenbakiko Auzitegiak 2002ko urriaren 4an hartutako epaiak, Aragoiko Justizia Auzitegi Nagusiak 2003ko ekainaren 9an berretsiak, argitu du. Epaiaren arabera, legelariak 2. artikulua hori oso-osorik aplikatu nahi izan balie 6. artikuluan aurreikusten diren entitateei (eskualdeei, metropolialdeei, mankomunitateei eta landa-eta hiri-komunitateei), besterik gabe, 2. artikuluan sartuko zituzkeen. Aipatutako jurisprudentziak,

ordea, ulertu du horrelako entitateak sailkatu behar direla 2. artikuluko entitate motaren batean, baina ez udalak sailkatzeko erabili diren irizpide berberei jarraiki, Udalak ez baitira Errege Dekretuaren 6. artikulua aurreikusten dituen entitateen parekideak, eta, beraz, udaletan lanpostu horiek sailkatzeko balio duten irizpideek ez dute zertan balio izan beste erakundeetakoak sailkatzeko. Era berean, epaiak eransten du, udaletan ez bezala, erakunde horietan biztanleria ez dela osagai erabakigarria, baizik eta kudeatzen den aurrekontua eta beren gain hartzen dituzten eskumenak. Irizpide horiek Toki-Jaurbideari buruzko indarrean dauden lege xedapenak biltzen dituen Testu Bateratuak, apirilaren 18ko 781/1986 Legegintzako Errege Dekretuak onartuak, 159.1 artikuluan aurreikusten ditu.

Horregatik guztiagatik, Arabako Errioxako Urkidetzak aurkeztutako eskaera aztertu ondoren; Arabako Foru Aldundiak eginiko aldeko txostenarekin bat; Enplegatu Publikoaren Oinarrizko Estatutuaren Legearen Bigarren Xedapen Osagarriari jarraituz; 1732/1994 Errege Dekretuaren 2. artikuluekin bat etorritik; baita Herri Administrazio eta Justizia Sailaren egitura organikoa eta funtzionala ezartzen dituen apirilaren 9ko 188/2013 Dekretuaren 10. artikuluen arabera ere, honako hau

EBAZTEN DUT:

Lehenengoa.- Arabako Errioxako Urkidetzako Idazkaritza lanpostua sortzea, eta hirugarren mailan sailkatzea. Lanpostua Idazkaritza-Kontuhartzailatza Azpieskalako Estatuko gaikuntza duten Toki-administrazioen funtzionarioentzat gordeta egongo da.

Bigarrena.- Arabako Errioxako Urkidetzak lanpostu hori bere lanpostu zerrendan gehitu beharko du lanpostua bete baino lehen.

AZKEN XEDAPENETATIK LEHENENGOA

Ebazpen honek ez du bide administratiboa agortzen eta beraren aurka gorako errekurtsioa jarri ahal zaio Erakunde Harremanetarako sailburuordeari, hilabeteko epean, argitaratzen den egunaren biharamunetik aurrera kontatzen hasita, bat etorritik Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/1992 Legearen 114. eta 115. artikuluekin, eta uko egin barik errekurtsioa aurkezteko xedez zuzenbidean onartutako edozein bideri.

AZKEN XEDAPENETATIK BIGARRENA

Administrazioarekiko Auzietako Jurisdikzioa arautzen duen uztailaren 13ko 29/1998 Legearen 44. artikuluari jarraituz, Herri Administrazioek ez dute ebazpen honen aurka administrazioarekiko errekurtsorik jartzerik izango. Hala ere, ebazpen hau errekurritu daiteke Euskal Herriko Auzitegi Nagusiaren Administrazioarekiko Auzietako Salan, argitaratzen den egunaren biharamunetik kontatzen hasita, bi hilabeteko epean, 29/1998 Legearen 45. eta hurrengo artikuluen arabera. Halaber, aurretiaz eta epe berean, Toki Administrazioekiko Harremanetarako eta Administrazio Erregistroetako Zuzendaritzari eskatu ahalko diote ebazpen hori deuseztatu edo atzera bota dezala, 29/1998 Legearen 44.1 artikuluan ezartzen denaren arabera.

Vitoria-Gasteiz, 2013ko maiatzaren 17a.

Toki Administrazioekiko Harremanetarako eta Administrazio Erregistroetako zuzendaria,
ELIXABETE ETXANOBE LANDAJUELA.